

آبونه شرائطی

ممالک عثمانیه ده سنه لیک (۶۵)، الق
آبونو (۳۵۱) غروشدور .

ممالک اخصیه ده سنه لیک (۹۷)، الق
آبونی (۹) فرانقادر .

اداره خانه

باب عالی جاده ستده دائره مخصوصه

اضطرابات

آبونه بدلی پشندور .

§

مسلكه . وفاق آثار مع الممنونیه قبول
اولنور . درج ایدله بن یازیلر احاده
اولونماز .

الکلیت

۱۳۳۰ (۱۳۳۰) ۱۳۳۰

اضطرابات

رساله مزمن آلمدیغی کو-تولک شرطیله
پتون یازیلر هر هانکی برهزته طرفدان
اقتباس اولونه بیلیر .

§

مکتوبلرک، امضالرک واضح و اوقوناقلی
اولمسی و آبونه صره نومردن محتری
بولونمسی لازمدر .

§

ممالک اخصیه ایچون آبونه اولازلر
درسلیرشک فرانسرجه ده یارلمسی و ما
اولنور .

§

پاره کوندرلدیکی، ان نه یته د ثراول یغسک
واضعا بیلدیلمسی دجا اولنور .

محاربه به قرار ویریدی . اطرافدنده کوکلو طوپلایوب اوچ بیک کیشیلک بر قوت وجوده که تیریدی که (ابوسفیان) ک قومانداسنده بولونان بو ، اوچ بیک نفرک یدی یوزی زرهل ، ایکی یوزی آتی ایدی . اوچ بیک دانه ده وهلری واردی .

یانلرنده چالغی طاقلری ، شراب طولوملری و فاحشه قاریلر اولدینی کی اون بش قدرده قوجهلی قادین کلپوردی که بونلر تورکی سوبیلرک، دف چالهرق کندی آدملری غیرته که تیره جک و محاربه ده ایلری سورده جک ایدیلر . نیته کیم (بدرمحاربه سی) نده ده بویه یامیشلردی . هجرتک اوچنچی سنه سی شوالتک ۱۲ نجی چهارشنبه کونی ایدی که بو اورده مدینه تک بر ساعت قدر یاقینده بولونان (احد طاعی) یانه کلوب قوندی و چهارشنبه ، پنجشنبه ، جمه کونلری اورده اوپوردی .

رسول الله اکرم صاحب کرامه رانیماسی :

رسول الله صلی الله تعالی علیه وسلم افندیمز ، اسلام یوردینک تهلکه ده اولدینی کورونجه اصحابی طوپلایوب « نه یالیم ، ناصل داورانالم ؟ » دییه اولره دانیشدی .

هانئ بر سوز واردر . (دانشان طاعی آشمش ، دانشایان یولنی شاشمش) دیمزلمی ؟ بوسوز ، پک طوغرودر . انسان عقلی ایره نلره و صورولان شیئ بیلنلره دانیشینجه - لکن بودالا وظیرطوب اولانلره دکل - طاع کبی مشکلمی آشار . چونکه : آلدینی او کود موجبنه حرکت ایدر . فقط دانشمازده بیلدیکی کبی داورانیرسه چوق دفعه یایدیغنه ، یاباغنه بشیان اولور . پیغمبر افندیمز ، دنیا ایشلرنده اصحابیه اوپوروب (مشورت) ایدریدی . زیرا اويله یایماسی الله ، کندیسنه امر ایتشدی .

شیمدی ملت وکیلرینک (مجلس مبعوثان) ده طوپلایوب دولت وملتک ایشلری حقنده مشورتله قرار ویرمه لری ده بوامره وبوسنته بناء در .

رسول الله اکرم صاحب کرامت یولنری ، فکرلری :

رسول الله حضرتلری ، مدینه ده طورمق و دشمن هجوم ایدهرسه قصبه ایچندن مدافعه ده بولونمق فکرنده ایدی . اصحابندن بعضلری از جمله (ابن سلول) نامنده بری ده بویه یایلماسنی موافق کوروپوردی . لکن چوقلری « چیقمازسه ق دشمن ، قورقماقغزه ویریرده بوتون بوتون شیاریر » دییه رک دیشاری یه فیروپلایوب اوزمه رینه آتیلیمق ، بدر محاربه سنده غازی وشهد اولانلرک صیراسنه قاتیلیمق آرزو ایدیورلردی . هله (حضرت حمزه) کبی قابنه صیغماز ، اولومدن ییلماز بر قهرمان : «مدینه دیشاریسند ، مشرکله حرب ایتمه یجه یلک یمیم » دییه آند ایچوردی . (یمین ایدیوردی)

هانکی فکر دوغری ایدی :

باقیلیرسه ایکنجی فکر ، ارککجه ویکیدجه ایدی . لکن برمحاربه ده ییکیدلکه برابر تدبیرلی بولونمق ، یعنی دوشونجه لی داورانمق ، داها

هذیانامه سی بوشو ، قوزمیدی وامثالی بویوک قفالی متفکر بن عثمانیه (!) یه معصوم ، صاف یوره کلی مسلمانلری کندی سعادتلری علیه اغوا و اضلال ایچین آزمی خدمت ایتدی ؟ آلا نده آزمی سوء تأثیر یاییور ؟ آزمی زهرلر صاچپور ؟

لکن بز فلاکت کلدیکجه وقوعنی حتی امکانی بیه انکار ایدهرز . کلی ده اويله . . .

انسان کندی وجدانده هرشی اولور . جانی ایسترسه کونشی ده انکار ایدهر . فقط بوشیلرک هبسی ینه وجدانده قالیر . حیات اجتماعی سنده محیطنک دینی ملی ، سیاسی مقدساتنه ظاهر آواسون رعایت کار کورو نور . هیچ اولمازسه خلقی کندیسندن نفرت ایتدیرمکدن صاقیر . قوجه بر ایمراطور ، وجدانده ذره قدار حس دیانت اولدینی حالد مجرد تبعه سنک حسیات مذهبی سنی اوقشامق ، هر حالد محتاج اولدوغی محبتلری جلب ایتک ایچین الک متعصب بر قاتولیک وضع و طوریله اللرینه چیفته موم آلاق کلیسایه کیدر . صوکر آوینه ده اونندن ها بویوک ، ده کیزلر شهنشاهی عنوانی قازانمش بر ایمراطورده ملیونلرجه اسلام تبعه سنی حکومتیه ایصندیرمق ایچین اولنرک ملی البسه سنی اکتسالیله حضورلرینه چیقغنی کندیسنه بر تنزل ، بر ذل عد ایتزده بوراده کی یاریم بابوچلی قوبوقلر ، بو حقایق سیاسی بیلدیکلری حالد ینه مرده شیاطین کبی قوجه ملت اسلامی تک مقدسات دینه سنی چیکنه یهره ک پاچا و رایه چه ویرمک ایستلر . اعدامزله حرب ایتدک . صلح یابدقده بر بریزله مصالحه دکل ، موقت بر متارکه یابه مدق . ناصیل یالیم ، که بو الم افروز امل ، دینی ، ایمانی قرآنی فدایه متوقف ! یا تستر قالمه لی ، یا خود محاصمه الی الابد باقی !..

صوکر بز اتحاد ملی ، حیات اقتصادی ، سلامت حال ، سعادت استقبال اومالیم !....

محمد فخرالدین

اسلام عسکرینه

اسلام تاریخنده بعضیه مختلر :

احد محاربه سی

شیمدی ده سکا (احد محاربه سی) فی آکلاتاجم . دقتله دیکله که بو ، اوته کیندن زیاده عبرت آلتیناجق و اطاعت سزلکک نتیجه سی نه اولدینی آکلاتاجق بر جنکدر .

مکه مشرکربنک محاربه امپوره مدینه کلمه لری :

(بدر محاربه سی) نده اولدورولن یتش دانه مشرکک خصمی ، اقرباسی ، اولولرینک انتقامنی آلق ایچین مدینه یه قدر کیتک ، اوراده کی مسلمانلره حرب ایدوب اولنری بیترمک ایستورلر ، دیله کلرینک حاصل اولماسی ایچین قبیله خاقنی قیشقیرتیورلردی . نهایت مکه مشرکربنجه مسلمانلره

حضرت پيغمبرك قره قوللر، دريه لر تعيبي :

اسلام اوردوسي ، كيجه اوراده قالدي و دشمنك باصقين ياماسنه مانع اولمق ايچين قاره قوللر ، دوريه لر تعين قيليندي .
آكليورسك يا ؟ قاره قول وظيفه سي ، پيغمبر اردوسنده و اردي و بر اوردونك حياتي ، بر قاج نرك اويانيقلغيله دقتنه امانت ايديلمشدي .
بو وظيفه يه دقت ايت كه غايت مهمدر . انسان ، كنديسنيه براقيلان پاره ، ياخود اشيا كي بر امانتي دالغينقله ، دقتسزللكه ضايع ايده رسه صاحبنه قارشى مسئول اولور . يا عجبيا يوزلرجه سلاح ارقه داشنك حياتي كوزمه يه مأمور اولان بر نوتجي ، قاره قول يرنده اويور ، ياخود دقتسز بولونورده او امانتلك ضياعنه سبب اولورسه عندالله و عندالناس نه قدر مسئول طوتولماسي لازم كليز ؟
الكي كوكسكده كي ايمان تحتسنيك اوستنه قوي ده بومسوليتك درجه سي سن تعين ايت .

اردر هر كنه باشم نجه بعضيه منافسلك قاييمش، اري :

ايرته سي كوني صباح نمازي قيليندقدن صوكرا رسول الله افنديز ، اوردويه حر كنه امرني ويردي . لکن دهمين سويله ديكيم (ابن سلول) ايله اونك قفادارلرندن ٣٠٠ كيشي ، اوييله نازك بر زمانده اوردودن چكيديلر و محاربه ايتمه دن آلچاقجه سنيه قاچديلر .
دشمن قارشيسنده براقده قلى همشهريلرينك ترمكه او كنده بولنديغنه ، ارنلر بوزولورسه كنديلرينك ده ، چوجوقلرينك ده ، قاريلرينك و يوردلرينك ياد الله كچوب يابانجي آياقلر آلتنده چيكنه نه چيكنه اهميت ويرمديلر . مسلمانلغده (ايلك صرب قايماغي !) اولمق ذلتي ارتكاب ايتديلر .

محاربه مبراشنره قاييموش ، آلچاققصر :

صاف يوره كلي بر مسلمان ، بوباياغيلني ، حتى بو آلچاققني قبول ايتمز . بر مسلمان عسكرينك كوزي دائما ، دائما ايلرده در . هجوم ايده ركن و ورولوب دوشرسه آرعه داشنه ايلريسي كوسته رير ، آرعه سندن كلشنده « اوزريمه باد » وب ايلري يه كيت ، فقط دونوب ده يارالي كووده مي دشمنه چيكنه تمه « وصيتني ايدر . كرى دونمه يه قالقيشمق دكل ، اوني خاطرينه بيله كه تيرمز .
معاذالله ! بر مسلمان ، بوييله بر خيالي ارتكاب ايده رسه نه اولور بيليرميسك ؟

ايشته بو قاقاقلرك حاليله حالله نير ، اونلر كي منافقلى دركه سنيه دوشر . منافقلى : ايكي يوزليلك ، يوزي دوست قابي دشمن اولمق ديمكد .

ايشته بو حريفلرده بر منافق ايديلر . حقيقتده مسلمانلغه ايناماد قلى حالده صورتا مسلمان كورونورلردي . ديني بوتون مسلمان اولماد قلىندن محاربه دن قاقق آلچاققغنده بولونديلر و قاقجاليله ذاتا موجودي آز اولان براوردويي ضعيف دوشورديلر . لکن ياپدقلى جنايتك جزاسني

آچيني (فن حرب) ه كوره حر كنه ايتمك لازمدر .

بوسفرده حضرت پيغمبرك را يي موجبجه قصبه ايچنده طور ولسه يدي دشمن هجومه جسارت ايده مزدي ، ايده جك اولسه بيله ايچرده كيلردن زياده تلفات و يرمه يه مجبور اولوردى . زيرا : اونلر سپرسز هجوم ايده جكلردى ، ايچرده كيلرا يسه داملر اوزرندن و اولر ايچريسندن مدافعه ايله يه جكلردى .
اصحاب كرام ايچين بورالريني اونوتماق ، كنديلرينه قوماندان ايده جك اولان رسول الله ك تديرينه قارشى طورماق لازمدي . فقط اوفدا كار قهرمانلرك قانلري قاينادي ، بيكيكلك دامالري اوينادي ده ديشاري چيقمق ، ميدان محاربه سي يايقي ايسته ديلر .
بر عسكرك قومانداننه قارشى عكسي فكر بيان ايتمه سنيك خطا اولاجيني ، بعض كرده فلاكت كه تيره جكني دوشونه مديلر .

مسلمانلر اوردوسنيك مبراشنره قاييموش :

افنديز حضرتلري ، اصحابك بيكيكلك شوقني قيرمق ايسته مدي .
هرتك اوچنچي سنه سي شوالئك ١٥ نجي جمعه كوني ، ايكندي نمازي قيليردقدن صوكرا زرهني كيوب مدينه دن چيقي و دشمن اوردوسنه ياريم ساعتلك مسافه سي اولان (شيخين) موقعنه كلوب قوندي . اطرافده كي مسلمانلرده اوراده طويلا نوب بيك نفر قدر اولديلر .

آز زمانده مسلمانلرك هر غلامانك اسبابي :

دين قارده شم ! مسلمانلغك نه قدر چابوق ايلرله ديكنه دقت ايديورميسك ؟
بو محاربه دن برسته اول وقوع بولان بدر جنكنده مسلمان اوردوسي ٣٠٥ كيشي ايدى . برييل صوكرا كي احد محاربه سنيه بيك قدر مسلمان كلشدي . هرتك ٩ نجي ييلنده كي (تبوك غزه سي) نه ايسه تام ٣٠٠٠٠ مسلمان حاضر اولمشدي . هله ١٠ نجي سنه ده كي حج پيغمبريده (عرفات) موقعنده ١٢٠٠٠٠ اهل ايمان بولونمشدي .

بو قدر آز مدت ايچنده بو درجه ايلرله مش هيچ بر دين يوقدر .
بوايلرله مك ، نه سايه سنده اولدي بيلورميسك ؟ مسلمانلغك حقايتي و مسلمانلرك ثبات و غيرتي سايه سنده .
چوق شكر ، سنده مسلمانلرك . دينكك طوغرولغني دوشونوب او طوغرولغني موجبجه حر كنه آليش ، دين اولوسي اولان اسكي مسلمانلرك ثبات و غيرتيله چاليش .

محاربه يه قبول اولونمايانلر :

رسول الله حضرتلري (شيخين) موقعنده ايكن ، دين غيرتيله اوردويه قانيوب كن مسلمان چوجوقلريني كرى چه ويردي . چونكه :
داها محاربه ايده جك بر ياشده دكل ايديلر . برابر كلك ايسته ين بر يهودي قالا بالغني ده رد ايتدي . زيرا اسلاميتي قبول ايله مه مشديلر .
بدر جنكنده ده بر مشركي قبول ايله مه مشدي ده ، صوكرا او آدام ، مسلمان اولمش و اوردوده بولونمشدي .

بحق کوردیلر.

قورشونه می دیزیلدیلر؟

خایر... خایر... دها آغیر بر جزایه اوغرا دیلر، یعنی تاریخ صحیفه لرینه (قاچاق ۱) دییه قید اولوندیلر. ایشته بیک اوج یوز بو قدر بیل کچمشکن بوکون بزده اولنلری (قاچاق) دییه تحقیرایدیورز. دوشون بر کره. بو، آز بر جزای؟ هم بو، دنیاده کوردکلری. یا آخرتده کوره جکلری؟ آرتیق اوراسنی الله بیلیر.

مابعدی وار طاهر المولی

ترجمہ جلال

یوسف زاده عبدالله حلمی افندی

آماسیه فضلاستندن شیخ القراء یوسف افندی زاده محمد افندیکنک صلبندن بیک سکسان بش تاریخنده ایماسیه ده تولد ایلده دی. علم قراشته یکنه دوران اولان صاحب ترجمه علوم وفنون سائرده دخی وقوف تام احبابندن بر کنز فضل و عرفان ایدی. وجوه قرائتی پدردن علوم عربیه بی مصاحب پاشا خواجه سی فاضل ابراهیم افندیکن، علوم عقلیه بی قره خلیل افندیکن اخذ و تحصیل ابتدی. قرق سکز تاریخنده چورالی علی باشانک صدارتنده سرای هایون خواجه لغنه تعین اولونوب فیوضات علمیه سندن استفاضه اولوندی. صوکره لری تألیف آثاره باشلا یه رق اخلافه یادکار بر اقدینی تألیقاتی تدقیقات علمیه سنه دالدر.

بخاری شریفه یکر می سکز سنه ظرفنده اوتوز جلد اوزره بر شرح مفصل یازمشدر. تألیف بهین مذکورى حضور شهرباری به اهدا ایلده رک بیک زیاده تقدیر و تحسین و بیک آلتون و برقات لباس فاخر، بر سمور کورک احسانیه تلطیف و تسریر بیورمشدر.

مشار الیهک سرای هایون کتبخانه سنده تدریس ایلدکلری بخاری شریفی اکمال ایلده ختام دعاسی ایچون ترتیب اولنان مجلسده ذات شاهانه دخی حاضر بولونهرق تحقیقات عقلیه و نقلیه سندن کسب انشراح بیورمشدر. بخاری شریف شرحی فاتح سلطان محمدخان غازی جامع شریفنده کی کتابخانه به وضع ایلدیکی وقت صاحب ترجمه حضور پادشاهی به دعوت اولونهرق بو دفعه دخی التی بیک غروش عطیه به مظهر اولمشدر. ذکر اولونان شرح لطیف شروح متداوله نک مباحث و تدقیقات مفیده سنی و بر چوق زوائد نوادری محتوی بر اثر بهتردر. فاضل مشار الیه حج شریفه نیت ایتدیکندن فضل و کالندن حصه یاب تعلم اولمش اولان اسبق صدر اعظم یکن احمد پاشا تهوین احتیاجات سفریه به مدار اولق اوزره بیک آلتون اهدا ایتمشدر. حجاز و شام علماسی مشار الیهک احاطه و قدرت علمیه سنه، بالخاصه علم تفسیر و حدیث و قراشته اولان اختصاص

عظیمه و او نسبتده دلپذیر تقریرینه مقتون و بر چوغی فرصتی غنیمت بیلهرک مجاز و مأذون اولمشدر. یارم عصر جوامع و مدارسده نشر علوم ایلده اشتغال ایلدیلر. طریقت علیه خلوتیده اورتا قول تعیر اولونان (یکیت باشی احمد شمس الدین مرمردوی) شعبه سی مشایخ کرامندن (شیخ الیاس ساقیزی) دن ده اکمال سلوک طریقتیه موفق اولدیلر. شرعه ده انتسابلری اولمغه حلمی مخلصیه عربی، فارسی و ترکی منظوماتی واردر. از جمله بر نعت نبویسندن:

فضای در کهک کان عطادر یا رسول الله

جناب ملجاء اهل رجا در یا رسول الله

سکسان ایکی یاشلرنده ایکن (توفی علامه الزمان) ترکیکنک دلالتی اولان بیک یوز آلتمش یدی تاریخنده ارتحال ایلده رک (طوب قبو) خارجنده (مالیه) جاده سنده کی قبرستانک صاغ طرفی وسطنه دفن اولوندیلر.

مؤلفات فاضلانلرینک بعضیاری بوجه آتیدر:

- ۱ — بخاری شریف شرحی (نجاح القاری): اوتوز جلد اوزره مرتب اولوب خط دستیلده محرز بر طاقی فاتح کتبخانه سنده بر طاقی ده حمیدیه ایلده ولی الدین افندی، بر طاقی ده (سیروز) کتبخانه سنده در.
- ۲ — مسلم شریف شرحی (عناية المنعم): یدی جلد اوزره نصفه قادار بر شرح اولوب بر طاقی (حمیدیه) کتبخانه سنده در.
- ۳ — النفحة الفاتحه فی تفسیر سورة الفاتحه
- ۴ — حاشیه بیضاوی علی سورة الملك
- ۵ — حاشیه علی آداب میرابی الفتح
- ۶ — حاشیه علی الحیالی
- ۷ — حاشیه علی قره داود من المنطق
- ۸ — حاشیه علی شرح قاضی میر
- ۹ — روضة الواعظین
- ۱۰ — قافیه نامه: هر عربی لغت فارسی ایلده شرح ایدلشددر.

بر نسخه سی (نور عثمانی) کتبخانه سنده در.

- ۱۱ — رد القرائة بالشواذ. علم قراشتدن
 - ۱۲ — بیان مراتب المدات
 - ۱۳ — تحفة الطلبة فی بیان مدات طرف الطیبة
 - ۱۴ — ایستلاف
 - ۱۵ — مخارج الحروف
 - ۱۶ — زهرة الحیوة الدنیا
 - ۱۷ — رساله حرف الضاد الصحیح
- مجموع آناری (۵۵) پارچه اولوب (۲۸) یدی ده علوم سائرده واردر. تلامیذینک الک مشهوری اسکدارده مدفون (مفتی زاده محمد صادق ارزنجانی) ایلده بروسده مدفون (بندر) لی شیخ القرا (ابو بکر) افندیلدر. بروسه لی: محمد طاهر